

# Eine Wunsch und dausend

Musik & Text: Björn Heuser / Verlag: HEUSERMUSIK, GMO Publishing

## Dräum

---

De Hoor falle langsam us,  
un morje darf se für drei Daach noh Hus,  
es schon komisch, wie die eij'ne vier Wäng  
övrer Naach plötzlich Luxus sin...

T' fing alles an met Ping en d'r Brus',  
un nem flaue Jeföhl em Buch,  
se saten: sicher, et jitt noch en Chance,  
jetz litt se om Sofa un hätt einfach nur Angs.

**Un em Radio der Typ verzällt jet vun stiller Naach,  
vun wießer Weihnacht un Jlohwing om Weihnachtsmaat.  
Vun wäje Minschlichkeit, vun wäje fruhe Sinn,  
se hätt nur eine Wunsch un dausend Dräum.**

Wünsch dir jet, schriev et op ene Zeddel,  
un läch en op de Finsterbank,  
et Chresskindche hölt en sicher aff...  
künnt se dat doch jläuve, wie ne Panz!

Se nemmp Breefpapier met Kugele drop,  
rief sich en Tron usem Jeseech,  
se schriev nur ei Wood: Levve  
Jedanke jon op d'r Wäsch.